



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

271. An iudex laicus possit iudicare in causa decimarum vel sit causa misti fori? Ex part. 1. tr. 2. res. 90. aliàs 89.

---

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

# De Immunit Eccles. Resol. CCLXX. &c. 235

tente, ut docet Marcabrun conf. 18 n. 39. & Menoch, vbi supra de arbitr. lib. 2. cap. 562. n. 56. & alij.

3. Illud tamen in hac questione concedi potest dictos colonos Religiosorum teneri soluere gabellam ex fructibus collectis, si eosdem deferant de loco ad locum, aut alienum tunc enim sunt bona laicorum, & non pertinent, neque indirecte ad Ecclesiasticos. Ita Fillius rom. 1. tr. 16. c. 11. n. 301.

4. Notandum est etiam hic obiter à fortiori colonos seu affictatores prædiorum Ecclesiasticorum non teneri soluere gabellam vulgo dictâ de luxuri; quia quando dicti gabellotti taxant, & pretiant dictam gabellam, fructus non est separatus à solo Ecclesiastico immuni à gabella, ergo. & ideo Carolus de Grassis de effectu clericatus, eff. i. m. go. sic afferit: In facti contingenti in hac urbe Panormi fuit decimus pro emptoribus fructuum pendentium cuiusdam virtutis Religionis Melitenis contra gabellotos, qui prætendebant ius gabellæ ab ipsis emptoribus, & hoc quia fructus non erant separati à solo tempore ventionis. Ita ille.

## RESOL. CCLXX.

An Conservatores Religiosorum possint procedere contra eorum debitores laicos?

Et an his Conservatoribus concedatur posse cognoscere de manifestis iniuriis, & violentiis factis aduersus Religiosos?

Et an possint Regulares eligere Conservatorem, qui defendat sua animalia, seu pecora damnum facientia in agri alienis, & an haec causa pertinet ad Conservatorem, & non ad iudicem secularem? Ex part. 3. tract. 1. Ref. 20.

§. 1. Negatiu[m] respondent Ceuall. tract. de cognit. per viam violentia, part. 2. quest. 20. num. 16. Gutierrez qq. practic. lib. 3. q. 9. num. 8. Cabedo divers. lib. 3. cap. 18. n. 4. Fuch. de visit lib. 2. c. 23. n. 5. & alij, quia exactio debiti requirit strepitum, & figuram iudicij, & si non potest hæc causa agitari coram iudicibus Conservatoribus, quia non possunt habere tribunal erectum, secundum decisionem Concilij Tridentini, & sic nullo modo possunt cognoscere de causis ciuilibus: nisi aliter fuerit in literis conservatoris definitum. Hæc Ceualllos, qui contraria sententiam falsam putat.

2. Sed contraria sententiam docet Portel in dubio Regul. ver. Conservatores, num. 7. Rodriguez qq. Can. tom. 1. quest. 65. artic. 11. Guido Papæ quest. 18. num. 3. & Ioannes de la Cruz de statu Relig. lib. 2. cap. 10. dub. 5. conclus. 2. vbi sic afferit: Conservator Religiosorum possint procedere contra debitores ex causa ciuili, etiam laicos. Patet primo, quia in cap. fin. de offic. deleg. conceditur his Conservatoribus posse cognoscere de manifestis iniuriis, & violentiis, vbi iniurie non tantum sumitur pro contumelia, vel conuicio (quicquid dicat Gutierrez) sed pro omni quod fit contra ius, & infert damnum monasterio. Ita ille, qui multas alias adducit rationes. Et ideo nouissime hanc etiam sententiam docet dominus Hieronymus Rodriguez in cemped. qq. Regular. resol. 33. num. 12. q. 22.

3. Notandum est etiam hic obiter posse Regulares eligere conservatorem, qui defendat sua animalia, seu pecora damnum facientia in agris alienis, & haec causa pertinet ad conservatorem, & non ad iudicem secularem. Ita Portel. vbi sup. num. 9. & Rodriguez art. 14.

## RESOL. CCLXXI.

An index laicus possit iudicare in causa decimarum, vel sit causa mixta fori? Ex part. 1. tract. 2. Ref. 90. alias 89.

§. 1. De hac questione, & sequentibus tractat Ce-  
wall. de cognit. per viam viol. p. 2. q. 9. & per tot.

2. Sed, quia in aliquibus mihi displacebat, idem asserto, quod quæstio iuriis circa decimas pertinet ad solum Iudicem Ecclesiasticum, ut si v. g. ad quandam Ecclesiam pertinet ius decimarum, & sine aliquis priuilegiatus, quo titulo percipiuntur, item de modo decimandi, de tempore, &c. Si autem quæstio sit facti, Index etiam laicus competens erit, & est mixta fori, ut si, v. g. talis percepit, vel soluit, seu etiam percipiavit, vel soluat decimas, ad effectum quoque, ut is, de quo non dubitat, an iure soluere debeat decimas, eas soluere Ecclesia, eiusque exactori cogatur; vel quia agatur contra tertium detentorem fructuum decimandorum: item, si agatur de restituitione illarum, quando furto auferuntur, aut vendonuntur, aut in alios usus temporales conuertuntur, &c. Et ita docet Fagund. Præcep. 5. lib. 3. cap. 5. num. 1. & 2. & alij penes ipsum, quibus ego addo Monetam de decim. 8. q. 1. n. 1. & 5. Gutierrez. de iuram. confirm. p. 1. c. 2. n. 35. Germon. de sacr. imm. lib. 3. c. 19. n. 84. & 99. & alios.

3. Non reticebo tamen, contrarium sentire Homobon. de Exam. Eccl. part. 2. tract. 8. cap. 8. 9. 24. & Azor. part. 1. lib. 7. cap. 36. quest. 5. vbi docent, etiam quando quæstio est facti, solum Ecclesiasticum esse Iudicem competentem circa decimas; ex Bal. Fulgos. Cup. Gem. Fachin. & alii, qui afferunt, causam spiritualium, cum etiam quæstio est facti, Ecclesiastici Iudicis esse. Sed circa præsentem questionem, & alias sequentes de decimis, vide omnino Tannerum in 2. 2. dist. 5. q. 3. dub. 2. n. 40.

## RESOL. CCLXXII.

An index laicus possit simul cum Iudice Ecclesiastico causam decimarum cognoscere saltem titulo compromissi?

Et quid quando de possessorio decimandi agitur, an index Ecclesiasticus, vel laicus debeat cognoscere? Ex part. 1. tract. 2. Ref. 93. alias 92.

§. 1. Negatiu[m] respondendum est: & ita docet Bonacina tract. de legib. dispe. vlt. 9. 5. punt. 6. num. 1. & alij penes ipsum.

2. An vero de possessorio decimandi Iudex Ec-  
clesiasticus, vel laicus cognoscatur, vide Doctores, quos  
Barb. in collect. tom. 1. lib. 3. tit. 30. c. 25. n. 3. Mihi  
plaet opinio affirmativa; hoc ad Iudicem Ec-  
clesiasticum pertinet ex pacto, quod docet Moneta not.  
de decim. c. 8. q. 1. n. 10. & seq.

## RESOL. CCLXXIII.

An laicus conductor decimarum sit convenientius coram iudice laico, vel sit causa mixta fori? Ex part. 1. tr. 2. Ref. 94. alias 93.

§. 1. Affirmatiu[m] responderet Contrauias practic. qq. 0. 35. num. 2. & Gutierrez etiam pract. qq. lib. 3. q. 26. n. 10. Sed Germonius de sacr. imm. lib. 1. c. 19. n. 97. docet, non solum Iudicem laicum, sed & Ecclesiasticum in tali casu cognoscere.

V 4 2. Mihi